

# Peqquserlulluni iluanaarniarnermik akiuiniarnermut politikki

## Peqquserlulluni iluanaarniarneq

Peqquserlulluni iluanaarniarneq GrønlandsBANKEN-ip Peqquserlulluni iluanaarniarnermik akiuiniarnermut politikkianni nammineq iluanaarutissatut pissaanermik atornerluinertut nassuarneqarpoq.

Nassuiaaneq pinerluttulerinermi inatsimmi kiisalu nunani tamalaani peqquserlulluni iluanaarniarnermik akiuiniarnermut isumaqatigiissutini peqquserlulluni iluanaarniarnep nassuarneqarnerinut naapertuuppoq, tamatumani ilaapput peqquserlutsitsinernik tigusaqarneq kiisalu tunniussineq kiisalu akiliilluni imaluunniit akilersilluni peqquserlulluni iluanaarniarnertut allat.

Peqquserlulluni iluanaarniarneq ilisimaneqarneruvoq peqquserlunnertut, salloqittaantut, paarititanik peqquserlunnikkut ajunaaruteqartitsinertut imaluunniit pinngitsaaliilluni akiliisitsiniarnertut. Peqquserlulluni iluanaarniarneq aningaasat allanut nuunnerannik imaqtartariaqanngilaq; aamma iluaqtissanik angusaqarniarluni sullissinermut tunngasinnaavoq, soorlu immikkut ittumik pitsaalluinnartumik sullissineq, immikkut illersuineq, sullissinerit amerlanerusut imaluunniit sivikinnerusumik sullissineq.

## Iliuutsit peqquserlulluni iluanaarniarnertut isigineqartut

GrønlandsBANKEN-imi peqquserlulluni iluanaarniarneq akiorniarlugu politikkianni iliuutsit arfineq marluk peqquserlulluni iluanaarniarnertut isigineqarput. Peqquserlulluni iluanaarniarnertut sulluunniit akuerinngilluinnarneqarput:

### 1. Aporaattunik soqutigisaqarnerit

Pisuni pisarput, inuttut soqutigisat, pisortatigoortumik suliassanut illuinnaasiornani kinaassusersiornanilu sunniuteqarsinnaappata imaluunniit sunniuteqarput.

Inuttut soqutigisanut ilaapput namminermut imaluunniit ilaqtanut, qanigisanut, ikinngutinut aamma inunntut imaluunniit kattuffinnut, inuusutissarsiornikkut imaluunniit politikikkut atassuteqarfigisimasanut iluaqutaappata.

### 2. Peqquserlunneq

Tassaavoq nalilimmik neqeroorneq, tunniussineq (akiliilluni peqquserlutsitsineq), tigusaqarneq, kajumissaarineq imaluunniit akuersineq (akilersilluni peqquserlunneq), atorfillip pisortatigoortumik inatsisillu malillugit suliaanik sunniinissaq siunertaralugu. Peqquserlunneq Kalaallit Nunaanni Danmarkilu pineqaatissiissutaasinnaavoq.

### 3. Pinngitsaaliilluni akiliisitsiniarneq

Pinngitsaaliilluni akiliisitsiniarneq pisarpoq atorfillik inatsisit unioqquillugit qunusaarinikkut aningaasanik imaluunniit pigisanik akiliisitsiniarnertut imaluunniit tigusaqarput.

Imarisinnaavai timikkut imaluunniit pigisanik ajoqusiinissamut siorasaarinerit, inuup pinerluuteqartut/inatsisinik unioqquitsisutut pisuutinnissaanut siorasaarinerit, imaluunniit paasissutissanik kanngunartunik qulaajaanissamut siorasaarinerit.

Pinngitsaaliilluni akiliisitsiniarneq Kalaallit Nunaanni Danmarkimilu pineqaatissiissutaasinnaavoq.

### 4. Salloqittaaneq

Iluaqtissamik (aningaasatigut imaluunniit allatut iluaqtissamik) angusaqarniarluni salloqittaaneruvoq, pisussaaffimmik ingalassineq imaluunniit allap annaasaqarneranut pisuuneq. Tamatumani paaraluni ilumuunngitsumik, salloqittaalluni, imaluunniit tatiginanngitsumik, peqquserlunneq imaluunniit ilumuunngitsunik patsilerluni iliuuseqarneq.

Salloqittaaneq Kalaallit Nunaanni Danmarkimilu pineqaatissiissutaasinnaavoq.

### 5. Paarititanik peqquserlunnikkut ajunaaruteqartitsineq

Tassaavoq pisortamut inissisimaneq pissutigalugu inatsisit naapertorlugit, pigisanik imaluunniit aningaasanik paarititanik eqqunngitsumik pigiliussineq imaluunniit atornerluineq.

Paarititanik peqquserlunnikkut ajunaaruteqartitsineq Kalaallit Nunaanni Danmarkimilu pineqaatissiissutaasinnaavoq.

### 6. Tunissutinut atatillugu peqquserlulluni iluanaarniarneq

Pisunut atuuppoq, tunissut imaluunniit aningaasatigut ajunngitsut neqeroortugineqartoq, qinnutigineqartoq imaluunniit tiguneqartoq sullissinermik utertitsivigineqarnissaq naatsorsuutigalugu. Tunissutit inoroosaarnerlu imminnerminni peqquserlulluni iluanaarniarnermut pissutaasinnaapput. Peqquserlulluni iluanaarniarnep pinissaanut atornerqarsinnaapput, imaluunniit allanit peqquserlulluni iluanaarniarnertut paasineqarsinnaallutik. Tunissutit tassaasinnaapput aningaasat imaluunniit pigisat nalillit tunissutitut tunniunneqartut aamma politikikkut imaluunniit ajunngitsuliornermut tunissutit. Inoroosaarneq tassaasinnaavoq nerisitsinerit, hotelimi unnuinerit, timmisartorneq, aliikkusersuinerit imaluunniit timersortunut peqataaneq.

### 7. Qanitanik salliuitsineq

Tassaavoq ilaqtanik imaluunniit ikinngutinik salliuitsineq, piginnaasai isiginiarnagit. Ilaqtat ikinngutillu inuttut qanitarisatut iluanaaruteqarfiunerusumik pissusilersorfineqarnerat, piginnaasaat pitsaasussaallu sulisutut kinaassusersiunngitsutullu naliliinnermit salliuillugit.

---

**Nalunaarusiorneq** Sulisoq kinaluunniit pisussaataavaoq pissuserisassanut malittarisassat uku ilisimaarissallugit, tunngaviillu tassaniittut ataqqissallugit. Sulisut tamarmik pisussaataapput, malittarisassanik unioqutitsisoqarneranik uppersaatinik kiisalu pasitsaassinernik tamanik aqutsisumut qaninnerpaamut imaluunniit aningaaserivimmi compliancemut nalunaaruteqarnissamut.

---

**Peqquserlulluni  
iluanaarniarnerm  
ut  
akiuiniarnermut  
ilisimaarinninneq**

GrønlandsBANKEN-ip peqquserlulluni iluanaarniarnermut akiuiniarnermut politikkia qaqugukkulluunniit aningaaseriviup nittartagaani atuarneqarsinnaavoq [www.banken.gl](http://www.banken.gl) Aammattaaq aningaaseriviup inuiaqatigiinnut akisussaaqataaneranut ukiumoortumik nalunaarutaaniittassalluni.

Illup iluani aningaaseriviup qulakkiissavaa, sulisut tamarmik peqquserlulluni iluanaarniarnermut akiuiniarnermut politikki ilisimaarissagaat, tamanna pissaaq Intranettikkut saqqummiussinikkut, illup iluani ilitsersuutitigut aamma politikkitigut (ass. tunissuteqarnermut politikki), kiisalu naleqquttumik sungiusaanikkut ilinniartitsinikkullu.

---

**Misissuineq**

Politikki una qullersaqarfimmi akuersissutigineqarpoq ulloq 2. april 2014, skemamilu ataaniittumi takusinnaavat qanga kingullermik politikki iluarsarneqarsimanersoq:

<b>Iluarsineqarpoq:</b>	<b>Imm. akisussaasoq:</b>	<b>Siulia:</b>
2021-11-18	Qullersaqarfik	2014-04-02

---